



Verwysing: 20210428-2562
Lêernommer: 3/3/3/9
Navrae: Inbelsentrum

Strategiese Mensbestuurminuut: 0003/2021

Aan: Adjunk-direkteurs-generaal, Hoofdirekteure, Direkteure, Adjunkdirekteure, Kringbestuurders, Hoofde: Bestuur en Beheer, Hoofde: Distrikskurrikulumondersteuning, Hoofde: Distriksleerderondersteuning, Verskaffingskettingbestuurpersoneel, Finansiespersoneel, Hoofonderwyskundiges, Adjunk-hoofonderwyskundiges, Prinsipale, Staatsdienspersoneel

Onderwerp: Bekendmaking van aangewese werknemers se finansiële belange en die beskikbaarheid van die eDisclosure-stelsel op die internet

1. Die Staatsdiensregulasies (SDR) 2016, gepubliseer in *Staatskoerant* Nr. 40167 van 29 Julie 2016, bemaatig die Minister van Staatsdiens en Administrasie (MSA) om werknemers van ander kategorieë aan te wys om hul finansiële belange te openbaar. Die MSA het verder die gesag om die vorm, datum en finansiële belange wat geopenbaar moet word, te bepaal.
2. Voor Maart 2017, is slegs lede van die senior bestuursdiens aangewys om hul finansiële belange te openbaar. Op 16 Maart 2017, het die MSA werknemers van ander kategorieë, soos hieronder geïdentifiseer, aangewys om hul finansiële belange te openbaar (MSA-bepaling is hierby aangeheg):
 - (a) 'n Werknemer wat die ekwivalent van salarisvlak 13 en meer deur 'n Beroepspesifieke Dispensasie (BSD) verdien.
 - (b) 'n Werknemer wat op salarisvlak 11 en 12 aangestel is, ingeslote werknemers wat die ekwivalent van salarisvlakke 11 en 12 deur 'n BSD verdien.
 - (c) 'n Werknemer wat in 'n verskaffingskettingbestuurseenheid in diens geneem is, ongeag hul salarisvlak.
 - (d) 'n Werknemer wat in 'n finansiële eenheid in diens geneem is, ongeag hul salarisvlak.

Paragraaf 4.1 (Omvang van toepassing) van die MSA-bepaling verklaar dat hierdie bepaling op alle departemente en sy werknemers van toepassing is wat ingevolge die Staatsdienswet, 1994 (Proklamasie 103 van 1994) aangestel is, opvoeders ingeslote.

3. Aangewese werknemers moet hul belange bekendstel om:
- deursigtigheid te verseker;
 - aanspreeklikheid te verseker;
 - botsing van belange tussen hul amptelike pligte en hul privaat finansiële belange te bestuur; en
 - etiek en integriteit te bevorder en korrupsie in die staatsdiens te bestry.

4. Tydperke vir openbaarmaking is soos volg:

Kategorieë van aangewese werknemers	Sperdatums vir openbaarmaking
Werknemers aangestel op salarisvlak 12, ingeslote werknemers wat die ekwivalent van salarisvlak 12 deur 'n BSD verdien (ingeslote prinsipale op ekwivalente salarisvlakke)	01 Junie 2021 tot 30 Junie 2021
Etiëkbeamptes en enige ander amptenare met gedelegeerde gesag op die eDisclosure-stelsel	01 Junie 2021 tot 30 Junie 2021
Werknemers aangestel op salarisvlak 11, ingeslote werknemers wat die ekwivalent van salarisvlak 11 deur 'n BSD verdien (ingeslote prinsipale en opvoeders op ekwivalente salarisvlakke)	01 Julie 2021 tot 31 Julie 2021
Werknemers in verskaffingskettingbestuur en finansiële eenhede, ongeag hul salarisvlak	01 Julie 2021 tot 31 Julie 2021
Nuutaangestelde werknemers het tot en met 30 dae ná diensaanvaarding om hul finansiële belange openbaar te maak	

5. 'n Nuutaangestelde aangewese werknemer wat nog nie op die eDisclosure-stelsel geregistreer is nie, moet die registrasie volgens die aangehegte bondige riglyn invul.
6. Aangewese werknemers (behalwe vir die Hoof van die Departement (HvD)) openbaar hul finansiële belange aan die HvD.
7. Ingevolge paragraaf 11 (Nienakoming en verslagdoening) van die MSA-bepaling, is nakoming van die invul van die finansiële openbaarmaking verpligtend.
8. Vir maklike verwysing, is 'n bondige riglyn hierby aangeheg oor hoe om te registreer en finansiële belange op die eDisclosure-stelsel, soos hieronder gelys, openbaar te maak:

- Aandele of enige ander vorm van ekwiteit in 'n geregistreerde privaat of openbare maatskappy of enige ander korporatiewe entiteit wat deur die wet erken word
- Leningsrekeninge (verband-, voertuigfinansiering- en kleinhandelsrekeninge uitgesluit)
- Inkomstegenererende bates
- Trusts
- Direkteurskappe en vennootskappe
- Konsultasiediens en retensiegeld
- Borgskappe
- Geskenke en gasvryheid van 'n bron wat nie 'n familielid is nie
- Eienaarskap en ander belange in roerende eiendom
- Voertuie
- Enige ander finansiële belange
- Ander besoldigde werk buite die werknemer se departement (BWBDS)

9. Die Wes-Kaapse Regering se Beleid oor Besoldigde Werk buite die Staatsdiens (BWBDS), wat vanaf 01 September 2012 in werking gestel is, reguleer die verrigting van besoldigde werk deur werknemers buite die staatsdiens en is by hierdie minuut aangeheg.

Paragraaf 13(c) van Deel 1, Hoofstuk 2 van die SDR van 2016, wat op 01 Augustus 2016 in werking getree het, verklaar dat 'n werknemer:

"nie sake met enige staatsinstelling sal doen of 'n direkteur van 'n openbare of privaat maatskappy sal wees wat sake met 'n staatsinstelling doen nie, tensy sodanige werknemer in 'n amptelike hoedanigheid 'n direkteur is van 'n maatskappy wat in skedule 2 en 3 van die Wet op Openbare Finansiële Bestuur gelys is". Hierdie bepaling is *mutatis mutandis* van toepassing op werknemers wat ingevolge die Wet op die Indiensneming van Opvoeders, 1998 (Wet 76 van 1998), aangestel is.

10. Daar kan met die volgende etiekbeamptes in aanraking gekom word vir navrae of groter duidelikheid:

Naam	E-posadres	Tel.no.
Yolisa Zwane	Yolisa.Zwane@westerncape.gov.za	021 467 2612
Akhona Mfazwe	Akhona.Mfazwe@westerncape.gov.za	021 467 2618
Petro Titus	Petro.Titus@westerncape.gov.za	021 467 2615
Mikhail Jackson	MikhailJackson@westerncape.gov.za	021 467 2469
Yusuf Ismail	Yusuf.Ismail@westerncape.gov.za	021 467 2601
Mark van der Vendt	Mark.VanderVendt@westerncape.gov.za	021 467 2509
May Davids	May.Davids@westerncape.gov.za	021 467 2365

11. Sedert die inwerkingstelling van die eDisclosure-stelsel in 2014, was die stelsel slegs op die regering se netwerk beskikbaar. Dit het dit moeilik vir aangewese werknemers gemaak om toegang tot die stelsel te verkry sodat hulle hulle finansiële belange bekend kan maak as hulle nie op kantoor is nie. Vervolgens het dit die nakoming van finansiële bekendmakingsregulasies beïnvloed.
12. Die eDisclosure-stelsel is nou op die internet beskikbaar en die BA: www.edisclosure.gov.za kan gebruik word. Dit beteken dat die aangewese werknemers nou slimfone en tablette kan gebruik om te registreer en hulle finansiële belange aanlyn bekend te maak.
13. Bring asseblief die inhoud van hierdie minuut onder die aandag van alle betrokke personeel.

GETEKEN: LJ ELY

ADJUNK-DIREKTEUR-GENERAAL: KORPORATIEWE DIENSTE

DATUM: 2021-05-14